

Forfatter: Helgesen, Poul

Titel: Udrag fra Chronicon Skibyense

Citation: Helgesen, Poul: "Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab", i Helgesen, Poul: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*, 1932-1948, s. 148. Onlineudgave fra Arkiv for Dansk Litteratur: <https://tekster.kb.dk/catalog/adl-texts-helg06val2-shoot-idm140415584727264/facsimile.pdf> (tilgået 23. april 2024)

Anvendt udgave: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*

sis prefectum, ac uniuersos regni nobiles, quorum erant perfidissimi proditores, futuri etiam eorundem crudelissimi carnifices, si quod ardentissimis uotis moliebantur pro arbitrio successisset. Nec alia potiore lege tradita est ciuitas, quam ut circumiacentem uiciniam, integro miliari continuam Haffnensium ciuitati, perpetuo iure susciperet occupandam. Dedicionem igitur ciuitatis mox consecuta est arcis deditio, militibus a domino Ioanne Wrne perfidissime deficientibus, adeoque uiolentia et prodicione dedicionem urgentibus, ut omnino prohiberi nequirit. Neque eo prelio sine prodicione aliqua fuit par-  
ta uictoria, adeo inualuerat eo seculo proditorum malicia. 13.

Schaniensibus interim tumultuantibus, ac rebellionem molientibus, eligitur in episcopum Roschildensem Gostauus Trolle, olim archiepiscopus Vpsalensis, homo leuis et inconstans, ac animi ferocis, minas et cedem spirantis in omnes, quibus ille male uolebat, sed nondum accepta possessione destitutus est, supplantante illum precessore suo domino Ioa-  
chimo Rønnow, donatione decem milium marcharum Danicarum. Nam bina vice emerat ecclesiam Roschildensem, semel a rege Friderico sex florenorum milibus, et nunc iterum a Comite Christophoro decem milibus marcharum Danicarum. Gostauus uero successit in episcopatu Ottoniensi turpiter fugienti Chanuto Henrici, qui magnam occasionem dederat huic bello, ob non seruatam fidem regi Christierno iam infelici captiuitate detento. 10

Schanienses uero, quoniam desperabant diu expectata Suecorum auxilia et presidia, timentes uali-

dam contra se irruptionem, nec habentes fidem ciuibus Landiscronensibus, apud quos parauerant sibi presidia, vnde fuissent repugnaturi, tandem etiam ipsi iurisiurandi sacramento iunxerunt se Comiti  
5 Christophoro, non sine graui offensa Gostau Sue-  
corum regis, a cuius etiam | solenni fœdere hac ratio-  
135 ne discessum est.

Eisdem diebus, quoniam Pheonia contempta obedientia defecerat ad partes comitis de Oldenborg,  
10 inuaserunt Pheoniam Holsate et Iuti, hanc defectio-  
nem grauiter ulciscetes, non solum direptione fa-  
cultatum ciuitatis Ottoniensis, verumetiam inter-  
fectione crudelissima multorum ciuium eiusdem.  
Verum non potentes vti uictoria, a uigilantissima  
15 Comitum milicia, vsque ad vnum in opido Nyborg  
aut capti aut interfecti sunt, fugientibus paulo antea  
quam erat congregiendum Domino Ioanne Rantzo  
et Petro Ebbonis eiusdem belli ducibus.

Illustrissimo interea Christierno Holsatię duce in  
20 regem a Iutis electo, mittuntur legati ad regem Sue-  
tie, eidem persuasuri, ut Schaniam inuadat, qui mox,  
coacto grandi exercitu, cepit opidum Halmstadense,  
non sine graui iactura Suecorum. Moxque Varber-  
gense opidum obsidione cingentes oppugnant, sed  
25 diu frustra, irritis semper Suecorum conatibus, qui  
tametsi erant uiribus superiores, fortuna tamen erant |  
136 longe inferiores, si rerum exitus prohemiis respon-  
debant. Dum hec aguntur . . . . .